

### **Yonilg'i moylash materiallarini olish.**

Hozirgi kunda mavjud transport vositalarida qo'llaniladigan yonilg'i-moylash materiallarini olish uchun asosiy xom-ashyo tabiiy neft hisoblanadi.

Neft yonilg'i va moylash materiallari, parafinlar, vazelinlar, konservatsiya materiallari, oliflar, loklar, sintetik kauchuk, spirtlar, bitum, plastmassa, tibbiyot preparatlari va boshqa ko'pgina mahsulotlar uchun xom-ashyodir. Hozirgi texnologiyalar neftning o'zidan 100 dan ortiq turdagi mahsulotlarni olish imkonini beradi. Buning uchun u neftni qayta ishlash zavodlarida qayta ishlanadi.

Neftni qayta ishlash bir necha bosqichda olib borilib, dastlab tabiiy neft suv va qattiq aralashmalardan tozalanadi. So'ngra birlamchi qayta ishlash jarayoni – to'g'ri haydash orqali amalga oshiriladi, uning natijasidan olingan mahsulotlar – yarimfabrikatlar bo'lib, ularni aralashtirish orqali bazaviy yonilg'i va bazaviy moylar olinadi.

Transport vositalari va traktorlarda qo'llaniladigan yonilg'i va moylar – tovar yonilg'i-moylash materiallari bazaviy yonilg'i-moylash materiallariga ularning xossalarini yaxshilovchi va yangi ekspluatatsion xossalar beruvchi moddalar – prisadkalar va qo'shimchalar qo'shilgandan so'ng olinadi.